

XLII. Ne sis helluo ciborum, ne resuscitentur in te priora peccata.

XLIII. Ne tædeat te laboris, et superveniet tibi cito requies. Sicut parietinæ ruinarum extra civitatem flunt locus fotoris omnibus, ita anima pigri, qui coepit monachatum, flet mansio passionibus et fotoribus.

XLIV. Coge te ipsum, ut ores perpetua cum lacrymis, ut forte misereatur tui Deus, et exuat te veteri homine.

XLV. Persevera in hisce rebus quas dicam : scilicet, in labore, paupertate, peregrinatione, afflictionibus et quiete, et afferent tibi humilitatem ; humilitas vero dimittet omnia peccata. Humilitas autem est, ut homo reputet seipsum peccatorem, et quod nihil boni perpetret coram Deo ; et adhæreat quieti, et non astinet seipsum quidquam ; et non sit pertinax ad statuendum verbum suum : ut abscondat concupiscentiam suam, et demittat vultum, penante sibi mortem ante oculos, et servet semetipsum a mendacio, et non loquatur verba otiosa ; nec respondeat superiori ; et opprobrium sustineat, et odio habeat desidiam, et instet laboribus et mero-ribus.

XLVI. Curate igitur, fratres mei, hæc servare præcepta, ne vita vestra sit sine fructu. Et sollicitus esto semper ad singula verba, quæ audis, ut dicas : Ignoisce mibi : quia humilitas fugat omnia negotia iniici. Ne reputes te ipsum quidquam propter opera tua.

XLVII. Sit tristis vultus tuus, nisi advenerint tibi exteri fratres; tunc gaude cum illis, ut inhabet in te timor Domini. Si iter feveris cum fratribus, secede ab illis parumper, ut sis in silentio, et dum incedis per viam, ne te convertas sinistrorum et dextrorum; sed meditare psalmos tuos, et ora in mente tua ad Deum, quoque in loco ingrederis ; nec perfidenter agas cum incolis illius.

XLVIII. In omnibus rebus tuis esto modestus, et ad ea quæ opponentur tibi, extende manum tuam leute. Si vero fueris juvenis, ne extendas manus tuas primus ad cibos; nec ingeras quidquam ciborum in os alterius. Et si cubaveris in aliquo loco, ne tegas te uno eodemque stragulo simul cum alio : et ora multum, antequam cubes. Et Dominus noster Jesus Christus opem nobis præstet ad operandum secundum ipsius beneplacitum. Amen.

Explicit Regula sancti Antonii abbatis.

ISAIAE ABBATIS REGULA AD MONACHOS.

DE ISAIA VETERUM TESTIMONIA.

Rufinus in Vitis Patrum, lib. I, cap. 10; et Palladius, lib. VIII, cap. 55 :

Abbas Syrus aliquando, et Isaías, et Paulus occurrerunt sibi invicem ad ripam fluminis; erant autem viri isti justi, summæ abstinentiae et totius religionis. Hi pergebant visitare quemdam nomine Anoph., etc.

Ibidem, lib. V, de Verbis seniorum.

Interrogavit eumdem sermonem abbas Isaías : Dicit abbas Pastor : Sicut capa plena vestibus, etc.

R. Bellarmine S. R. E. card. de Script. eccl.

Isaías abbas, qui quo tempore vixerit. inventare non potui, scripsit homilias 28 valde utiles, præsertim monachis ad perfectionem tendentibus.

OBSERVATIO CRITICA IN REGULAM SEQUENTEM.

Hæc Regula edita est sub nomine Isaiae abbatis, continetque sexaginta octo parva capita, quæ potius dicenda sunt tot axiomata sive præcepta moralia eremiti congrua, atque coenobiti, qui æquo et pari jure vivere debent, accommodata. De hac Regula pari modo discordendum est, ac de sancti Antonii Regula, ut ibidem dictum est. Nam desumpta esse videtur ex Sermonibus ad monachos ab Isaia abbate habitis, qui religiosis ad virtutis apicem aspirantibus valde utiles, effatis et præceptis moralibus ubique repleti sunt, et quidem iisdem quæ in hac Regula continentur. Erat autem Isaías abbas coetaneus sancto Antonio, abbati Pastori, et abbati Ammoni, et abbati Anopho; et quamvis ejus annus obitualis ignoretur, tamen Christi fidem inter cruciatum gloriose confessus est. Plurima hujus sanctissimi abbatis axiomata moralia in Vitis Patrum reperiuntur, atque viginti octo ejusdem sermones supradicti editi sunt in tertio tomo Bibliothecæ Patrum Margarini de La Bigne, pag. 885.

PRÆCEPTA SEU CONSILIA ABBATIS ISAIAE POSITA TIRONIBUS IN MONACHATU.

Ejus orationes nos custodiant, Amen.

Frater dilectissime, si jam reliquisti mundum C age de peccatis tuis, et serva propositum quod am-
hunc vanum, et Deo te ipsum dedisti, pœnitentiam plexus es; et ne auscultes cogitationibus tuis, cum

animum tuum affligeret et dicent: Nequaquam peccata tua priora tibi condonata sunt; et serva haec precepta.

I. Cave ne comedas cum muliere, aut fraternitatem ineas cum puer, aut dormias cum adolescente super eadem storea. Cum exuis vestem tuam, ne aspicias corpus tuum

II. Si ad potum vini coactus fueris, ne bibas plus quam tres scyphos mediocres: cave ne solvas præceptum propter amicitiam.

III. Ne persolvas horarias preces negligenter, ne incidas in manus inimicorum tuorum. Da operam quantum potes meditationi psalmorum, quia hoc servabit te ab immunda vita.

IV. Dilige laborem et afflictionem, ut leventur passiones tuæ. Ne reputes te ipsum quidquam in ulla re, et vacabis gemitibus pro peccatis tuis.

V. Custodi te ipsum a mendacio quia expellit a te timorem Domini. Ne aperias omnibus tua benefacta, ne rapiat illa inimicus tuus.

VI. Aperi morbos tuos patribus tuis, ut experiaris opem per ipsorum consilium.

VII. Coge te ipsum ad opus manuum tuarum, et habitabit in te timor Domini.

VIII. Ne judices fratrem tuum cum peccat, nec despicias illum; incides enim in manus inimicorum tuorum.

IX. Ne sis contentiosus ad statuendum verbum tuum, ne inhabitet in te mala.

X. Dilige humilitatem, et non acquiescas tuo consilio. Assuescat lingua tua dicere: Ignosce mihi, et superveniet tibi humilitas.

XI. Cum sederis in cella tua, de tribus sollicitus esto: nempe de assiduitate in oratione, meditatione psalmorum, et opere manuum tuarum.

XII. Cogita apud te: Utique non sum superstes iu hoce mundo, nisi hac die; et eripieris a peccato.

XIII. Ne sis helluo, ne renoventur in te priora peccata tua. Ne pigeat te laboris; et da operam meditationi psalmorum, et adveniet tibi requies a Deo.

XIV. Coge te ipsum ad fletum in orationibus, et Deus miserebitur tui, et exuet te homine vetere.

XV. Scito, quod labor, et paupertas, et peregrinatio, et afflictio, et silentium afferunt humilitatem; humilitas autem peccata omnia condonat. Humilitas autem est, ut homo reputet seipsum peccatorem, et injustum, et ne statuat verbum suum, et abscondat suam concupiscentiam, et defigat oculos ad terram, et sustineat injuriam, et laborem, et odio habeat honorem, et requiem, et dicat in omnibus: Ignosce mihi; beneficio autem humilitatis fugantur hostes.

XVI. Perpetuo tristis esto; si vero venerint ad te fratres, exhilareris cum illis, ut inhabitet in te timor Dei.

XVII. Si iter feceris cum fratribus, secede ab illis, ut silere possis; nec te convertas huc et illuc, sed meditare psalmos tuos, et ora ad Deum in mente tua. Et quemicunque locum ingressus fueris, ne

A præsidenter agas cum habitatoribus ejus. Serva modestiam, et verecundiam in omnibus, et ad ea quæ apponuntur coram te, manum non nisi invitus extendas.

XVIII. Ne cubes cum alio sub eodem stragulo. Ora multum ante cubitum, quamvis desfatigatus sis ab itinere.

XIX. Ne permittas ut quisquam ungat oleo corpus tuum, nisi propter gravem morbum.

XX. Cum sederis ad mensam cum fratribus, ne comedas cum delectatione, et extende manum tuam tantum ad ea quæ sunt ante te. Et complicata sint genua tua, nec eleves visum tuum ad aliud. Nec bibas aquam avide, nec cum sonitu.

XXI. Si excreandi te urserit necessitas, cum sediris inter fratres, surge, et longius projice ab illis. Ne pandiculeris inter homines, et si acciderit tibi pandiculatio, ne hies ore tuo, et deseret te.

XXII. Ne aperias os tuum ad risum; hoc enim indicat tibi deesse timorem Dei.

XXIII. Ne concupiscas rem alienam. Si feceris librum, ne exornes illum, hoc quippe affectum tuum ostendit.

XXIV. Si peccaveris in aliquo, non pudeat te confiteri illud, neque excuses te mendacio; sed genua flecte, et confiteare delictum tuum, et pete veniam, et condonabitur tibi.

XXV. Si quis mentitus fuerit apud te, ne irascaris, sed dicio: Ignosce mihi, non revertar.

XXVI. Non pudeat te querere a tuo magistro.

XXVII. Si quis pulsaverit januam cellæ tuæ, dum sedens incumbis operi tuo, desere opus tuum, et cura ejus requiem.

XXVIII. Ne loquaris cum quoquam, nec attendas verbis cuiusquam sine utilitate.

XXIX. Si miserit te magister tuus ad iter faciendum, postula ab illo quomodo te regas, et fac juxta mandatum ejus. Ne transferas verba. Si custodieris oculos tuos et aures tuas, minime peccabis lingua tua.

D XXX. Si habitaveris cum aliquo fratre, esto cum illo ut peregrinus, nec præcipias illi quidquam, nec te superiorum illi facias, nec præsidenter agas cum illo; et si præceperit tibi aliquid quod nolles, absconde voluntatem tuam, et ne contristes illum, ne abscondatur pax a vobis; et scias quod obediens est major.

XXXI. Si habitaveris cum fratre aliquo, et dicet tibi: Coquito; dic: Quid vis? et si electionem tibi reliquerit, coquito, quod tibi venerit ad manus cum timore Dei.

XXXII. Cum e somno surrexeris, ora antequam ullum opus attinges, et meditare prius verba Dei; tunc aggredere impigre opus.

XXXIII. Hilariter occurre exterio, et saluta illum; ne discessus vester ab invicem sit cum detimento; et cave ne statim atque advenerit ad te, interroges illum inutilia tibi, sed postula ab illo ut oret, et cum sederit, dic illi: Quomo lo vales, frater mi? et ex-

hibe illi librum aliquem legendum. Si vero est defatigatus ab itinere, permitte illi quiescere, et lava pedes ejus. Si autem loquetur verba inania, dic ei cum charitate: Parce mihi, frater mi, quia infirmus sum, et non valeo audire hæc. Si autem dissuta fuerint ejus vestimenta, consue illa. Si vero infirmus est, et ejus vestimenta sunt sordida, lava illa. At si vagus est, et fuerint apud te sancti, ne permittas ingredi ad illos, sed fac ei misericordiam, et dimitte illum. Si est autem pauper, ne tristem illum dimittas, sed da ei quod concesserit tibi Deus.

XXXIV. Si quis frater deposuerit apud te aliquid, ne perscruteris depositum, nisi ipso præsente.

XXXV. Si quis reliquerit te in cella sua, et egressus fuerit, ne elevet visum ad perspicendum quid in ea sit, sed dic ei dum egreditur: Da mihi opus aliquod, cui operam navem, donec revertaris; et quidquid tibi præceperit diligenter perfice.

XXXVI. Ne ores cum pigritia et indiligerent; hac enim ratione pro eo quod Deo placeas, ad iracundiam eum provocabis; sed sta cum timore et tremore, et ne innitaris muro, nec remittas pedes tuos, ut uno stes, et aliud extendas. Obsiste cogitationibus tuis, nec permittas, ut sollicitè sint de rebus carnalibus, ut sit accepta Deo oratio tua.

XXXVII. Si autem adfueris missæ, custodi cogitationes tuas, et sensus tuos, et stes coram Deo altissimo cum timore; ut dignus fias, qui sumas corpus Christi et sanguinem ejus, et sanes passiones tuas.

XXXVIII. Dum juvenis es, ne induas vestem bonam, donec pervenias ad senectutem.

XXXIX. Si iter feceris cum majore te, ne præcedas illum. Si assurrexerit major te ad alloquendum alios, ne parvi ducas illum, et maneas sedens; sed sta cum illo, donec tibi ut resideas præcipiat.

XL. Cum urbem aut oppidum ingressus fueris, ad terram dimitte visum tuum, ne visa abs te sint tibi certaminis causa in cella tua.

XLI. Ne dormias in loco, in quo corde peccare times. Ne comedas cum muliere nec aspicias illam, neque etiam vestimenta ejus, si potes.

XLII. Si iter feceris cum sene, ne permittas ut ille portet quidquam. Si autem fueritis juvenes, unusquisque portet partem aliquam. Si vero fuerit modicum, portet illud unusquisque per horam, et præcedat, qui portat, et preeat infirmus, ut si lassus sederit ad capiendam requiem, sedeatis cum illo.

XLIII. Si quem senem interrogaveris de cogitationibus tuis, aperi illas libere uti se habent ei quem tua arcana servaturum confidis; nec rationem habeas illius qui provectæ ætatis est, sed qui doctrina, opere, et spirituali experimento pollet, ne referas damnum, si augeantur passiones tuæ.

XLIV. Adnitere ut multum ores noctu, ut illuminetur intellectus tuus. Pensita peccata tua, et deprecare Deum pro illis, et ipse pareat tibi.

XLV. Si quis fratrem suum te præsente judicare

A apponat, quamvis judicatus ex eorum sit numero, qui te judicant, dico illi cum humilitate: Parce mihi, frater mi, quia peccator et infirmus sum, et obnoxius illis quæ dicis, quare illa audire non possum.

XLVI. Præfer fratres tuos in omnibus, et si quis amicus præstiterit tibi honores, dico: Propter vos hos mihi præstiti honores; neque gustes quidquam absque sociis.

XLVII. Mutuo aliquid a te postulanti ne deneges.

XLVIII. Ne frequentius corde verses memoriam eorum, quos propter Dei charitatem deseruisti; sed mortis et damnationis memento, et quod nullus illorum eo tempore tibi open ferre poterit.

XLIX. Si dum sederis in cella tua, memineris quod aliquis tibi male fecerit, surge statim, et ora B pro illo in corde tuo, ut parcat illi Deus; ita enim passio quam ejus causa patieris, evanescit.

L. Si corpus Christi sumere velis, cave ne cordi tuo ira aut odium insit contra quempiam: et si quem adversus te iratum noveris, pete ab illo prius veniam, quemadmodum præcepit Dominus noster (*Matth. v.*).

LI. Si oppugnatus fueris noctu a libidine, cave ne cogitatione repetas species illas interdiu, ne delectatione coinquinetur cor tuum; sed prosterne te coram Deo, et ipse miserebitur tui: novit quippe infirmitatem hominum.

LII. Si operam dederis nimio jejunio et continuæ orationi, ne fidas quod hæc te salvabunt; sed confide quod Deus miserebitur afflictionis corporis tui, et infirmitati tue opitulabitur.

LIII. Si morbo corruptus fueris, ne tædeat te et deficiat spiritus tuus; sed gratias age Deo, quod de tuo emolumento sit sollicitus.

LIV. Dum habitas in cella tua, constitue cibo tuo præfinitam mensuram, et statutum tempus, et ne prætereras illud; et da corpori tuo quantum indiget, ut valeat orare et colere Deum. Si vero oblatas tibi fuerit extra cellam tuam delicatus cibus, ne ad satietatem ex illo sumas, ut cito reverti valeas ad cellam tuam.

LV. Si severint in te diaboli laborem quem ferre non valeas, ne acceptes ab eis; quoniam occupant cor hominis quibusdam rebus quas superare non valet, ut tædio illum afficiant et deludant. Omnia sane eorum negotia sunt sine mensura ac sine ordine.

LVI. Comede semel in die, sed non ad satietatem. Præbe corpori tuo quantum indiget, juxta exigentiam naturæ.

LVII. Medium noctem ad invigilandum orationi decerne, alteram vero medietatem requie corporis tui. Antequam autem cubitum eas, vigila per duas horas in oratione et laudibus, tum corpori tuo da requiem. Si pigretur corpus tuum, dum ad orationem surgendum est, dico illi: Visne requiem capere hoc tempore, deinde abiare ad longum supplicium? Nonne præstat ut parum hic labores, tum requiescas illuc cum sanctis in æternum? Tunc enim statim

recedit a te pigritia, et adveniet tibi divinum auxilium.

LVIII. Cum monachatus institutum amplexus fueris, manummitte servum tuum; qui, si monachatum sequi velit, ne permittas ut habitet tecum.

LIX. Si abieris ad vendendum opus manuum tuarum, ne disceperes de pretio, ut seculares. Idem quoque præstabis, si quid emas. Inopiam rerum Deo te propinquum facere scias.

LX. Si deposuerit apud te frater quispiam vas, illoque indigueris, ne tangas illud, nisi ipso consulto.

LXI. Si quis frater rogaverit ut illi aliquid emas dum peregrinaris, facito; si autem fratres fuerint tecum, sit in presentia eorum.

LXII. Si quid tibi mutuo datum fuerit, restituue illud cum eo fueris usus; nec detineas illud, donec abs te repetatur; et si quid illius fractum, resarcito. Si quid mutuo alicui dedisti, ne repetas illud, si noviris illum non posse restituere, præsertim si illo tibi opus non fuerit.

LXIII. Si egressus jam a cella tua, postea repetis illum, et invenies aliquem fratrem jam ibi habitare, quære tibi aliam; et cave ne illum inde expellas, ne contra te irascatur Deus. At si ipse sponte illum relinquere voluerit, jam justificatus es; si autem acceperit aliquid ex ejus supellectile, ne requiras id ab illo.

A LXIV. Si volueris egredi ab aliqua cella, cave ne asportes aliquid ex ejus supellectile, sed relinque illam alicui fratri pauperi, et Deus largietur tibi quocunque abieris.

LXV. De nulla re ita letantur diaboli, sicuti letantur de eo qui cogitationes suas spiritualem suum magistrum celat. Ne putes te Patribus similem evasurum, nisi imitatus fueris eorum labores.

LXVI. Serva te ipsum a divitiis, earumque amore, quoniam corrumptum fructum monachi.

LXVII. Si pugnas adversus tentationem aliquam quæ te oppressit, ne desistas, sed prosterne te coram Deo, et dic: Adjuva me, Domine, quoniam ego infirmus non valeo sustinere hanc pugnam; et ille optulabitur tibi, si ex recto corde processerit deprecationis tua. Si certaveris, et viceris, ne glorieris, ne que confidas; sed tibi cave, quoniam hostis difficultatem priore pugnam in te machiabitur

LXVIII. Si deprecaris Deum, ne dicas: Domine, remove hoc a me, et concede mihi hoc; sed dicio: Domine Deus meus, tu scis quid mihi magis conductat, quocirca adjuva me, et ne permittas ut peccem tibi, et peream in peccatis meis, quia sum peccator infirmus; nec tradas me inimicis meis, quoniam confugi ad te; libera me, Domine, quia tu es fortitudo mea et spes mea; et tibi est potentia, et gloria, et beneficentia, et gratiarum actio in æternum. Amen.

Explicit Regula Isaiæ abbatis.

SANCTORUM PATRUM

SERAPIONIS, MACARII, PAPHNUTII, MACARII ALTERIUS, REGULA AD MONACHOS.

DE S. SERAPIONE, CÆTERISQUE HUJUS REGULÆ AUCTORIBUS VETERUM TESTIMONIA.

Palladius, Hist. Lausiac., cap. 7.

Cum toto anno in monte Nitriæ habitassem apud beatos et sanctos Patres, magnum Arsitum, et Putaphastum, et Hagionem, et Cronium, et Serapiонem, et multis antiquorum Patrum spiritualibus narrationibus ab ipsis esse stimulatus, veni in intimam solitudinem.

Idem, cap. 117.

Ingressa est (Melania) in montem Nitriæ, sanctos Patres conveniens beatum Pambo, et Christi famulum Arsitum, et magnum Serapiонem, sanctum quoque Paphnutium et venerabilem Isidorum.

Rufinus, Hist. eccles., lib. xi, cap. 4.

Per idem tempus Patres monachorum vitæ et antiquitatis merito, Macarius, et Isidorus, alias Macarius, atque Heraclides, et Pambus, Antonii discipuli per Ægyptum, et maxime in Nitriæ deserti partibus habentur viri, qui consortium vite et actuum non cum cæteris mortalibus, sed cum supernis angelis habere credebantur.

Ibidem, cap. 8.

Florebat igitur Ægyptus ea tempestate non solum eruditis in Christiana philosophia viris, verum etiam his qui per vastum erenum commanentes, signa et prodigia apostolica simplicitate vitæ et cordis sinceritate faciebant. Ex quibus interim quos ipsi vidimus, et quorum benefici manibus meruimus, hi sunt: Macarius de superiori eremo, alias Macarius de inferiori, Isidorus in Sciti, Pambus in cellulis, etc.

Palladius, Hist. Lausiac., cap. 91.

Cum quodam die convenisset (cum Cronio, et Jacobo claudio) etiam Paphnutius cognomento Cephala, qui dono cogitationis sacræ Scripturæ Veteris Novique Testamenti pollebat, totam illam interpretabatur, cum Scripturam non legisset: ea autem erat modestia, ut virtutem propheticam celaret.

Idem, cap. 20.

Narravit nobis et Dei servus Paphnutius, præclari hujus sancti (Macarii) discipulus, quod cum quodam die sederet in aula sanctus Macarius, etc.